



Pou Piblikasyon Imedya: 1/11/2023

GOUVÈNÈ KATHY HOCHUL

**GOUVÈNÈ HOCHUL AK LIDÈ MAJORITE A SCHUMER DEWWALE PLAN TTM
TECHNOLOGIES POU ENVESTI JISKWA 130 MILYON DOLA POU IZIN
FABRIKASYON NAN VIL DEWITT, SA K AP RANFÒSE TRANSFÒMASYON NÒ
NEW YORK AN YON SANT FABRIKASYON PIS MONDYL**

Etablisman fabrikasyon yo pwopoze a pral pwodwi komitatè ak gwo teknoloji pou amelyore sekirite nasyonal, sa k ap kreye yon estimasyon 400 djòb ki byen peye nan New York Santral – jis yon semèn apre rejyon an te gen deziyasyon sant teknoloji federal pou semi-kondiktè prestijye a

TTM Chwazi Eta New York swit apre pwoesis evalyasyon ak seleksyon sit apwofondi pou tout ane ki enplike 16 lòt Eta

Bati sou pwogrè kontinyèl Gouvènè Hochul ak Lidè Majorite a Schumer pou agrandi ekosistèm semi-kondiktè New York la ak atire biznis ak travay 21èm syèk

Gouvènè Kathy Hochul ak Lidè Majorite Sena a Charles Schumer te anonse jodi a ke TTM Technologies, Inc., yon fabrikan mondal prensipal nan solisyon teknoloji, gen entansyon envesti jiska 130 milyon dola pou konstwi yon etablisman fabrikasyon gwo teknoloji nan vil DeWitt, Konte Onondaga, sa k ap kreye enviwon 400 djòb ki byen peye. TTM pral pwodui PCB entèkoneksyon ki gen anpil dansite, PCB ki pi avanse TTM yo ki pral premyèman itilize pou aplikasyon militè Ameriken yo epi ki enpòtan pou endistri semi-kondiktè Ameriken an, nan nouvo etablisman li a, ki pral ko-lokalize sou 10 ekta tè ki adjasan ak etablisman pwodiksyon TTM ki egziste deja nan DeWitt. Nouvo izin TTM lan pral youn nan premye nan nasyon an ki espesyalize nan fabrikasyon PCB yo ak anbalaj avanse. TTM pral envesti tou nan rechèch ak devlopman ki pral avanse teknoloji sibstra sikwi entegre ak PCB HDI atravè peyi Etazini.

"Soti nan envestisman istorik Micron nan nan Clay rive nan plan TTM pou envesti jiska 130 milyon dola pou yon nouvo izin nan DeWitt, yon sant fabrikasyon pis mondal ap monte nan New York Santral", **Gouvènè Hochul te deklare.** "Komitatè TTM yo chita nan dènye teknoloji pis yo, epi gras ak ekosistèm pis solid New York la, patenarya ak Lidè Majorite a ak lòt moun ki gen enterè yo, ak yon angajman solid eta a, TTM pare pou rantre nan sektè pis k ap pwospere nou an epi pote 400 travay ki byen peye nan nò eta a. Konpayi tankou TTM ap ede ranfòse repitasyon New York kòm yon lidè pou

kwasans, inovasyon, ak sekirite nasyonal, epi mwen pa ka tann pou mwen akeyi plis biznis 21èm syèk nan eta nou an pandan n ap kontinye bati ekonomi demen an."

Lidè Majorite Sena a, Charles Schumer, te deklare, "Syracuse pral kè otowout semi-kondiktè Ameriken an, epi jis yon semèn apre mwen te genyen yon deziyasyon Tech Hub federal eksklizif, mwen kontan TTM Technologies kounye a gen plan pou dinamize Konte Onondaga ak prèske 400 nouvo djòb ki byen peye k ap ramne pwodiksyon kat sikwi ki soti lòt bò dlo! Chak semèn, li vin pi klè avni fabrikasyon semi-kondiktè a pral nan Syracuse ak nan nò Eta New York. Lè m te ekri Lwa sou CHIPS ak Syans mwen an, mwen te fè sa ak vizyon ke tout eleman nan chèn ekipman pou teknoloji revolisyonè sa a ta gen so "Made in New York" (Fabrike nan New York) epi ak plan TTM pou fè ekspansyon DeWitt lan vin youn nan premye nan nasyon an pou fabrike komitatè avanse sa yo, vizyon sa a nan yon etap pi pre pou vin yon reyalite. Nan kòmansman ane sa a, mwen te rele pèsònèlman PDG TTM lan pou m di I ke Nò Eta New York se pwochen fwontyè pou fabrikasyon teknoloji ak kote pafè pou grandi biznis yo, epi mwen kontan yo te koute apèl mwen an. Mwen bat bravo pou TTM pou gwo envestisman sa a epi mwen remèsy Gouvènè Hochul ak lidè lokal yo pou patenarya pa yo nan ede sekirize envestisman sa a ak pozisyone Nò NY davantaj kòm yon lidè pou chèn apwovizyonman mikwo -elektwonik ki alimante tout bagay ki soti nan sant done yo pase nan rezo elektrisite rive nan enjenyeri ayewospasyal."

Vis Prezidan Egzekitif ak Prezidan Sektè Ayewospasyal & Defans Ian, Catherine Gridley, te deklare, "Nou espere envestisman ak ranfòsman kapasite sa a se yon lòt etap nan direksyon pou kreye yon chèn apwovizyonman mikwo-elektwonik nasyonal ki an sekirite, ke yo fè konfyans, epi ki rezistan. Lè yo chwazi New York Santral pou sit gwo teknoloji yo pwopoze sa a, sa montre davantaj sipò TTM pou Eta New York ak NY SMART I-Corridor, epi li kontinye solidifye plas TTM ak New York Santral kòm yon lidè nan mikwo-elektwonik."

Yo prevwa etablisman New York Santral yo planifye a pral pote kapasite deranjan pou PCB iltra-HDI yo. Li prevwa vin youn nan pi gwo sit fabrikasyon PCB nan Amerik di Nò ak yon pwosesis avanse, trè optimize pou pèmèt delè livrezon ki pi kout, pi rapid, ak yon ogmantasyon siyifikatif nan kapasite nasyonal pou PCB iltra-HDI yo, ki pi piti ak pi lejè pase lòt PCB yo epi yo ofri siyal ki plis serye nan pi gwo vitès. Anplis de sa, etablisman sa a pral sit TTM ki pi dirab nan Amerik di Nò a. Komitatè sa yo se yon eleman enpòtan tou nan endistri mikwo-elektwonik la, ki sipòte kwasans endistri semi-kondiktè nasyonal la k ap estimile pa Gouvènè Hochul nan tout eta a ak nasyonalman pa Lwa sou CHIPS ak Syans Schumer a.

Pou sipòte konstriksyon etablisman TTM yo pwopoze a, Empire State Development (ESD) pral bay jiska 17 milyon dola nan Kredi Taks Excelsior Jobs ki baze sou pèfòmans an echanj pou 400 nouvo djòb ak kenbe plis pase 600 djòb ki déjà egziste nan Syracuse. Menm jan ak tout pwojè Excelsior Jobs yo, TTM pral resevwa kredi yo apre yo fin demonstre ke yo respekté travay yo ak angajman envestisman yo. Anplis de sa, ESD te bay TTM yon sibvansyon kapital 5 milyon dolanan Inisyativ Revitalizasyon Nò Eta a pou ranbousman pou machin ak ekipman yo.

Gras a Lwas sou CHIPS ak Syans Schumer a ak efò Gouvènè Hochul fè, ki gen ladan [lejislasyon Green CHIPS](#) transfòmatif New York la, Nò Eta New York te wè yon gwo renesans nan fabrikasyon avanse aepi envèstisman planifye TTM nan New York Santral yo bati efò kontinyèl Eta New York kòm yon sant mondal pou fabrikasyon pis Ane pase a, Gouvènè Hochul ak Lidè Majorite Schumer te anonse yon envestisman istorik 100 milya dola nan Micron Technologies pou konstwi yon kanpis fabrikasyon semi-kondiktè nan Vil Clay epi kreye 50,000 nouvo djòb. Anplis de sa, Gouvènè a te anonse 40 milyon dola Biwo Gouvènè a pou Developman, Jesyon, ak Entegrasyon nan Semikondiktè (Governor's Office of Semiconductor Expansion, Management, and Integration, GO SEMI) kòm yon pati nan diskou sou Sitiyasyon Eta 2023 li a pou sipèvize pwojè Micron an epi ede kontinye kwasans endistri semi-kondiktè eta a. Depi yo te lanse efò yo pou devlope endistri sa a, Gouvènè Hochul ak Lidè Majorite Schumer te anonse plizyè lòt pwojè semi-kondiktè nan Eta New York, tankou:

- Envestisman 50 milyon dola Menlo Micro pou konstwi premye enstalasyon mikwo-elektwonik nasyonal li nan Konte Tompkins, k ap kreye plis pase 100 nouvo djòb;
- Envestisman 319 milyon dola fabrikasyon chèn apwovizyònman semi-kondiktè Edwards Vacuum pou yon nouvo etablisman nan Konte Genesee, k ap kreye jiska 165 nouvo djòb;
- Seleksyon konseptè AMD Eta New York ki baze nan Kalifòni pou nouvo rechèch ak konsepsyon li yo, ki pral kreye jiska 165 nouvo djòb nan konte Monroe ak Dutchess;
- Envestisman 139 milyon dola Corning Inc. nan Konte Monroe, k ap kreye plis pase 270 nouvo djòb ki byen peye nan reyon Finger Lakes la; epi
- 1 milya dola, etablisman fabrikasyon kabi silisyòm modèn ak inik Wolfspeed la nan Konte Oneida – k ap kreye plis pase 600 nouvo djòb nan uit pwochen ane yo.

Kwasans endistri semi-kondiktè New York la te atire rekonesans federal ak entènasyonal tou. Mwa pase a, Lidè Majorite Schumer te anonse ke reyon Buffalo-Syracuse-Rochester te genyen yon deziyasyon prestijiye li te kreye gras ak Lwa sou Pis ak Syans Ian kòm youn nan 31 Tech Hub federal yo – ki te bat plizyè santèn reyon atravè peyi a. Pwojè TTM a sipòte relokalisasyon fabrikasyon semi-kondiktè, yon gwoup endistri enpòtan, nan New York epi li sèvi kòm lyen ki manke ant Micron ak fabrikan mikwo-elektwonik ki fini yo. Empire State Development, biwo Senatè Schumer, CenterState CEO ak Konte Onondaga te fè patenarya sou efò atraksyon sa a ki pote siksè.

Gouvènè Hochul ak Lidè Majorite Schumer te anonse tou yon sibvansyon 40 milyon dola Depatman Defans federal, ki sekirize gras ak Lwa sou CHIPS ak Syans Federal Lidè Majorite a, pou ranfòse endistri semi-kondiktè New York la. Lidè Majorite a te anonse tou yon patenarya ak Enstitisyon Kore pou Avansman Teknoloji pou avanse rechèch ak developman semi-kondiktè nan Konplè ks Nanotekboloji Albany NY CREATEs la.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Eta New York pare pou I dirije nasyon an nan relokalizasyon fabrikasyon semi-kondiktè ak konpayi yo nan ekosistèm fabrikasyon pis la, gras a lyen estratejik nou te fòme ak patnè lokal ak federal nou yo. Agrandisman ki te planifie nan TTM Technologies pral pote bon travay ak gwo envestisman prive nan New York Santral, epi li pral sipòte plis kwasans koridò semi-kondiktè dinamik Nò Eta New York la."

Senatè Eta a, John W. Mannion, te deklare, "Envesti nan inovasyon, kreye djòb, ak ranfòse sekirite nasyonal – angajman 130 milyon dola TTM Technologies pran pou konstwi yon etablisman fabrikasyon avanse modèn nan DeWitt montre Otowout Semi-kondiktè a ouvri pou biznis. Green Chips, Lwa sou Pis ak Syans lan, ak nouvo deziyasyon Tech Hub federal la ap bay travay ak envestisman rapidman ki pral transfòme New York Santral an yon sant teknoloji mondal. Ansanm ak Gouvènè Hochul, Senatè Schumer, ak lidè lokal yo, nou ini epi nou rete solid nan angajman nou pou bati yon avni ki pi briyan pou kominote nou yo."

Manm Asanble Pamela Hunter te deklare, "Jodi a, Gouvènè Kathy Hochul ak Lidè Majorite Sena a Charles Schumer te anonse avèk fyète desizyon inogirasyon TTM Technologies, Inc. pou I envesti jiska 130 milyon dola nan bati yon etablisman fabrikasyon modèn nan DeWitt, Konte Onondaga. Mouvman estratejik TTM, yon lidè solisyon teknoloji mondal, make yon pa enpòtan nan direksyon pou rann Nò Eta New York vin yon sant mondal pou fabrikasyon pis. Nouvo etablisman an, ki etabli pou kreye 400 djòb ki byen peye, pral pwodui komitatè ki gen anpil dansite (high density interconnect, HDI) ki enpòtan anpil pou aplikasyon militè Etazini ak endistri semi-kondiktè a. Mwen kontan ak nouvèl sa a, ki vini apre deziyasyon prestijye Tech Hub federal rejyon nou an. Mwen apresye ak tout kè m devouman ak travay di Gouvènè Hochul ak Lidè Majorite Schumer, ke efò enplakabli te transfòme eta nou an pou li vin yon fa inovasyon. Envestisman sa a non sèlman ranfòse sekirite nasyonal nou an, men tou li inogire yon nouvo épòk pwosperite ekonomik pou New York Santral. Ansanm, npu pa ka tann anpil opòtinite antrepriz sa a pral pote, sa k ap solidfyé pozisyon New York nan tèt teknoloji 21èm syèk la."

Chèf Egzekitif Konte Onondaga a Ryan McMahon te deklare, "Seleksyon Konte Onondaga pa TTM Technologies pou nouvo etablisman manifakti gwo teknoloji vèt yo a ak plizyè santèn nouvo djòb li pral kreye, sèvi kòm plis validation ke Konte Onondaga se lidè nan endistri eksitan epi k ap grandi rapidman sa a. Menm jan sa enpòtan, se yon lòt prèv ke patenarya ak kolaborasyon nou te bati pandan 4 dènye ane yo ap kontinye pwodui rezulta reyèl pou moun yo nan Konte Onondaga. Mèsi ak tout moun ki te rann envèstisman istorik sa a posib epi ki rete optimis toujou sou avni Konte Onondaga."

Prezidan ak Direktè Jeneral Egzekitif CenterState CEO, Robert Simpson, te deklare, "Envestisman TTM se yon lòt validasyon enpòtan nan lidèchip rejyon sa a nan sektè sistèm entelijan yo. Sibstra fabrikasyon yo ak komitatè HDI nan New York Santral ajoute sou yon ekosistèm chèn apwovizyonman k ap grandi ak solid ki gen ladann tout

bagay soti nan pis semi-kondiktè rive nan mikwo-elektwonik fini. Envestisman sa a se yon egzanp siksè tou pou relokalize eleman enpòtan nan chèn apwovizyonman pou sekirite nasyonal isit la nan New York Santral. Kominote sa a te demonstre ke lè nou travay ansanm, nou ka kontinye reyalize yon pi gwo nivo konpetitivite ekonomik ak pwosperite epi repran pozisyon nou kòm yon sant rechèch ak fabrikasyon ki enpòtan nan tout mond lan."

Konsènan TTM

TTM Technologies, Inc. se yon fabrian mondal solisyon teknoloji ki gen ladan sistèm misyon, konpozan RF/asenblaj mikwo-ond/mikwoelektwonik RF, PCB ak wotasyon rapid ak teknoloji avanse. TTM lan vle di Time-To-Market (tan pou komèsyalize), ki reprezante ki jan sèvis fabrikasyon gjèinikakijan pèmèt kliyan yo diminye tan ki nesesè pou devlope nouvo pwodwi ak pote yo sou mache a. W'ap jwenn plis enfòmasyon sou www.ttm.com.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)